

X a
3274





187. 2

Xa

3274



Handlung
des Bischoffs von
Merzburg mit den zwey-
en Pfarhern vñ Schon-
bach vñ Büch/gesche-
hen am Sinstag
nach Bartho-
lomei.



Anno dñi.
M. D. XLij.



BIBLIOTHECA
POMICKA IANA

UNIVERSITÄTS-BIBLIOTHEK
HALLE
(SAALE)



Dinstags nach Bartholomei frue
vmb. vij. vr. seind wir Pfarrer zu Schonbach/
vnd Büch/ zu Merßburg für vnnsern G. H. den Bis
schoff yñ seiner B. stuben gesodert/ vnnnd in beywesen
S. G. Canzler/ vnd eines Magisters/ vnseres bedunc
ckens Prediger / daselbst verhört / yun massen/ wye
hernach volgt.

Estlich hat vnser S. H. zu Merßburg ein lange
rede gethan/ vnnnd den ynnhalt seiner Citation/
gleich büeff/ vñschreybens an Pfarrer zu Schö
bach gethan/ repetiert / auch seiner antwort mit an
zeygung des vngheorsams / des sein G. nit vnbillich
verdrich het/ yedoch wolt sein G. gern vergessen vnd
vergebē/ so wir nachmals in gehorsam erschienen/ vñ
beyde in gnaden annemen/ beuor/ so wir vns der ar
tikel - damit wir angeben vnnnd berüchtigt wölten
weyßen lassen/ vnd bessern. dan sein G. werc auch eyn
sünder - gnad vō Got bedürffend. derhalben seyn G.
nit wußt vngnedig zu sein/ so wir vnß erkanden. Für
eret weytter eyn mit langen Worten/ wie sey gnad sein
tag vil - vnd etwas mer. dan wir jungen leut erfarn/
manchem gewaltigen grossen vnnnd gelerten vnder
augen gesehen/ auch zum teyl (on rüm züreden/ was
das nun were) ettwas gelesen. Aber solche seltsame
dinge/ die wir vns Pfarrern fürgenomen hetten/ we
ren seynen gnaden frembd vnd vngehört/ vnnnd der
halben auch nit leydlich/ so vil in seine vernunft wey
set/ vñ Bischoflich ampt verur sacht. Nemlich dz wir
Keweyber genomen hetten/ des solten wir nñ grunde
vnd vrsach angeygen - vnd fragt wie volgt.

Bischoff sprach. Pfarrer von Schonpach/ habe
ir als man sagt eyn Keweyb. Pfarrer. Gnediger
A ij

her: ya. Bischof. Außwas vrsach. Pfarier. Ich hab in mir befunden die anfechtung des fleyschs also geschwinde/das mir keüscheyt zühalten nit möglich. Vnnd wiewol ich Gott darumb vilmalß gepeten/so hab ich gespürt/das mir solchs von Got nie gegeben/so lang ich trost von Christo Math. am. xix. empfangen/da er spricht / Non omnes capiunt verbū hoc: sed quibus datū est. Vnnd darnach. Qui potest capere capiat 1c. Auch forder im Paulo. Melius est nubere quā ui. In welchen auch amndern vilen sprüchen ich befunden hab/das mir eyn weyb zünemen nit alleyn gepotten/sonder auch zügelassen. Bisch off. Maynet jr/das die sprüch den heyligen Vätern der Ehrstlichen versammlung der Römischen Kirchen/den heyligen vier leeren vnbeuust seynd gewesen. Halt jr eüch / vnnd ewern fürer Doctor Martinum mer vn besser/dan die/die für güte angesehen haben/das die Puester / die das allerhöchst mysterium der Messen handeln / reyn vnnd keüsch leben sollen/wie auch im alten Testamēt figuriert ist bey d Archē 1c. Auch wirt das Capere in Mattheo dauon nit verstanden. Pfarier. G. N. ich hab auch wol gewußt den gebrauch der Römischen Kirchen/ich hab aber das wort Gottes den menschen gepotten/die wir ex Paulo laqueos billich nennen/vorgezogen vnd besser geacht. Will mich derhalben versehen/L. S. werd es auch thün. Das aber das Capere in Mattheo davon verstanden wirt/ist teütsch gnüg. weñ L. S. G. die Bibel ansehen wölt/würd sichs also befinden/vnnd wils ewer gnad hören/so will ichs auß meyner Bibel lesen / dan sich ewer gnad/das das punctlin Non omnes capiunt uerbum hoc / sich dahyn zeücht/das die Aposteln sagen. Dñe/si sic est: nō expedit nubere. Vnd also sirtan/das das Capere nyndert anders gehört. dan dahyn nō expedit nubere/vnnd zü

dem wörclein Eunuche / ich mayn ye es sey Teütsch
gnüg. Langler vñ Magister. Es ist Lateinisch/
nit Teütsch. Pfarzer. Das mayn ich also/ Es sey
klar vnd vernemlich gnüg. Bischoff. Lieber laß
euch weysen/ die sprüch werden nit den Püestern son-
der den Layen gesage. Es steet auch eyn wörclein zü-
uor/ Duricia cordis. das möcht ich euch wol zulegen/
dañ jr seyt ye ein harter verstockter mensch. Pfar-
zer. Ich wilß beweyßen / wiewol die vnderscheyde
layen vnd pfaßen in der geschüfft keyn grundt hat/
so wir alle inn Christo püester seynd/ daß die sprüch
auch den püestern gesage/ daß Paulus ad Titum vñ
Timotheum sage. Sportet Episcopus vnus vros
virum esse. So Christus vñnd Paulus in vorigem
worten vnd sprüchen nit die pfaßen (als jr sage) ge-
maynt/ so ist hie Paulus wider Christum/ vnd sich
selbs. Bischoff. O lieber pfarzer / maxime erratis/
wo rechet ir ewer votum hyn. Langler vñnd der
Magister. Ja ya/ das sölt jr vorhyn bedacht habē
da jr ewer ordinis nampt / vnd ee daß jr Celibatum
voniert / jr habet ewer alter gehabt/ warüß besündt
jrs nit vorhyn- ee daß jr iurierten. Pfarz. Ich be-
kenē/ daß ich votum vnd iuramentum gethan/ bekenē
aber nit/ daß ich wol vnd billich voniert vnd iuriert
hab/ ich hab gelobt/ das ich nit vermag/ vnd das ich
on sünd nit halten kan. Item/ auß vnuerstandt bin
ich vom Bischoff verfürt / warumb sölt ich eyns bö-
sen iuraments nit absteen/ vnd nit auffhörn zü sün-
digen (Nie ließ man mir nit stat gnüg züreden/ wie
dañ gar nahe allemal) Ich kan mich auch wol erin-
nern/ daß meyn gelübe mit dem zusatz geschchen ist/
Quantū humana fragilitas permiserit. E. G. nem
auch in ein bedencken/ was ergermuß vñnd sünd/ vn-
gezweiffelt auch hie in E. G. Stiffe von püestern ge-
schehen/ mit so vil vnzüchtigen weybern/ die hie zü

Mersburg erhalten / vnd offentliche sünde zügelas-
sen werden / welchs alles auß dem bösen gelübe der
keißeheyt erwächst. Bischoff. Ey lieber / habt yr
nit auch gelesen / Alter alterius onera portate. Wie
soll man jm thun / es muß eyner mit dem anndern ge-
dult tragen / es ist ye leydllicher / daß eyn priester auß
geprechen vnd schwacheyt fall / mit eyner armen dir-
nen zü sündigen / dan daß er freuenlich eyn Leweyb
zünemen / wider das Jurament vnnnd wider den ge-
prauch der Kirchen thsi. Es kumpt zweyfeldigkeit/
ergernuß / vnnnd hader dar auß / daß der Lay spricht /
Schaw / der Pfaff ist sonnderlich / vnnnd nympt eyn
weyb / die andern alle müessen vngerechte seyn / der ist
allein klüg vnd frum. Lieber laß von ewer blintheit
vnd dotheyt / laß mein güttigs vnd gnedigs verma-
nen stat habē bey eüch. Pfar. Mein gnediger herr
ich werd dan besser vnderriecht / dan bißher geschehen
Bisch. Wolan / es ist mir leyde / Gott helff eüch.

Bischof / vnd Pfarrer von Büch.

Herr pfarrer vō Büch / bekēnt jr / daß jr ein Leweyb
habt. Pfar. S. N. ja / ich bekens. Bischof. Was
ist ewer antwort. Pfar. S. N. wiewol ich mich
gantz außs pfarrers von Schonbach antwort vnd
fürgebracht schrifft referier / so sag ich doch auch / vñ
stell mein antwort auß drey vrsach. Zum ersten / daß
ich in mir nit befunden hab die gabe der reynigkeyt.
Zum andern / daß die schrifft an keinem ort verbewt /
auch wenig heylge lerer dawider seyn. Zum. iij. daß
ich ergernuß verhüt / welche Christus so offt vñ hoch
anzeigt / auch Paulus da er sagt. Episcopus sit vir
irreprehensibilis ic. Also / daß mir inn keynen weg
annders getzumenen wolt / die weyllich vnnwürdig
als ain Pfarrer / Gotßwort predigen solt / dann daß

ich eyn weyb neme ic. Bischoff. Allmechtiger Got
wie verstockte blinnde lewtt / mich verwundert / weß
jr eüch doch ymer zeycht. Ich setz das es recht were
dass jr beyde allein eüch on vernunfft/vñ gnügsame
vrsach so starck wider ein solche kressftige gewonheyt
der Kirchen dürfft setzenn / möcht doch geharret ha-
ben/biß von der gemeynen Kirchen were zügelassen
vnd gepilligt/vnnd nit also zügeplazt. Pfarzer.
G.H. wir forchteten es würde züläng / hetten gern
künden/aber nit so lang haren. Bisch. Glaubts/
wölt auch wol eyns genomen haben. Pfarzer.
Warumb thüts ewer gnad nit. Bischoff. mache
eyn Creüz für sich. Da sey Got für/da sey Gott für/
ich verman eüch beyde mer dan mir gepürt/ist aber
alles on frucht vnd für nichts angesehen/Lun. wol
hyn/ich hab das mein gethan.

Bischoff. Pfarzer zü Schonbach mit eüch hab
ich weytter zureden. Es ist vnns für kommen / daß jr
ewern pfarleüte die Fasten verbittet/heyst sy fleisch
vnnnd was sy wöllen essen. Pfarzer. G.H. ich hab
fasten nit verboten/aber gepredigt daß fasten dz ist
essens vnd trinckens messigkeyt/sey an keyn zeit/tag
oder vndterscheydt der speyß gepunden / zütöden
das fleisch. Bischoff. Jr werden mir ye die. Kl.
teglische fasten nit umbstossen die vns Christus nach
züfolgen fürgebildet hat. Pfarzer. Es seind zwey-
erley werck Christi/erslich die sich zyechen ad fidem
et charitatem/da er spricht/Discite a me: quia mitis
sum et humilis corde. Vnd sunst vil der gleichen vns
nachzüfolgen vermanet. denselbigē sollen wir nach
folgen. Züm anndern sein wunderwerck als todten
erwecken/krancken gesunde machen/so vil Tausent
menschen mit so wenig prot. vnd fisch speysen. Kl. tag
vnd nacht sich der leyplichen speyß enthalte ic. wel.

che sein ein bewerung der Gottheyt Christi/ vnnnd ha-
ben damit ein geystlichen verstandt vnd leer/ den sel-
bigen künden wir nit nachuolgen/ ist auch nit not.
Bischoff. Ich laß das kl. täglich fasten nit anders
sein/ dann eyn werck der nachuolging/ sagt was jr
wölt. Pfarr. Wils ewer G. nit anders haben/ so
gee ewer gnad hyn auß in die wüsten/ vnnnd essz in. kl.
tagen vnd nächten keynen bissen. Bisch. Ir dürffte
mich nit heysen was ich thün soll/ jr seyt noch zügel
vmb denschnabel/ vnd züwenig mich züheysen/ auß
auß was hör ich. Bis. Was sagt jr dan zur Wess
die jr in ewern Kleydern/ vnd nit wie die heyligen Wes-
ter geordnet haben. Den lewten bayder gestalt das
Sacrament gebt. Es ist aber nichts/ das ich eüch vil
fürhalt/ ich vernem keyn besserung. Pfarr. S. N.
das ich kurz dartzü antwort/ ich neme für mich die
drey Euangelisten/ vnd Pauli/ wie ewer gnad selbs
wol weys. Bisch. Ach jr vernembts nit/ jr volgt
den Grecken nach/ darauf jr eüch villeyche referiert/
das seind böse vngchor same lewt/ haben sich züklüg
geacht/ das sy sölte vö den Römern regiert werden/
vñ habē bissher allzeyt ires kopffs gelebt. Lätzler.
Ich bin auch in Grecia gewesen/ vñ gesehen ire wey-
se zü Celebriern/ aber dannoch in jrē verordnetē Kley-
dern vnd gebrauch/ auch von menschen geordnet ic.
wes jr eüch zeyhet/ sölt eüch noch mer wundern dann
mich. Pfarr. Ich hab mich nichts gezogen auff die
Kriechen/ wundert mich/ wie jr mich dahyn süeren
wölt/ Ich geb in dē fall eben so vil auff die Grecken/
als auff die Römer/ ich stee auff dē wort Gottes/ vñ
will nit keyner leer gefangen sein/ er hab dan die ge-
schufft. So nun die wort Christi daryn die Wess
steet/ kein der weiß/ wie wir bissher Wess gehalten yn-
helt/ sollen sy mir auch willkölich vñ frey sein. Bisch.
Das ist so vil gesagt/ wir seynd allein klüg/ vnd alle

Väter der Kirchen seind narren/wissen nichts mein
lieber freündt. D. Marti. wayß noch nit alles/wyrt
mich nit überreden/dasß ich mer vö jm/dan den heili-
gen. iiii. lerern halt. ich bin der wenigsten eyner/wölt
noch D. Marti. an vil ortern weysen/da er nit hyn-
gedacht herr. Pfar. Soll ich jm das also von E.
B. sagen. Der Chrißlich frum vatter Martinus hat
sich allemal erboten/er künde vnderriecht leyde/auch
von cynē kinde/geschweyg vö E. B. Bisch. Ich sag
nit dasß ich mit jm disputiern will - es ist mir auch nit
not/dan er ist in meinē Gepiet nit/des ich Got danck/
mir ist zūvil an eüch beiden. Aber ich will eüch obgot
will noch dahyn pringen / dasß jr mir folgen sölt /ich
sags allein darumb / dasß jr alle ding mit Bibel vnd
Euāgelio beweyst wölt habē/vñ also die heiligen vä-
ter vnd Doctores veracht. Ich wölt gern vö eüch wis-
sen/wie jr alle artickel des glaubens mit dem Euā.
beweysen wölt/vñ so gar nichts auff die Lerer geben.
Pfar. Welcher artickel steet dan nit im Euāge.
Bis. Descendit ad infer. Pfar. Hilff got in Actis
Apost. in Paulo. Bisch. Ja Paulo/ist dz im Euā.
Pfar. Ja freylich im Euā. wen E. B. Paulū nit dz
Euāgelii will sein lassen/habē wir baßchün mit E.
B. Langz. Paulus em hz alia verba quā Euāg. si
alia verba : nō est idē cū Euā. Pfar. Da da nego-
cosequen. Langz. Ja man mag sagen/licz nō sit idē
cū Euā. explicite : tñ implicite. Bis. Wolan/lasts
güt sein/wir wölle vns mit jm in kein disputatz geben
Aber eyns müß ich sagen / mich wundert dasß jr die
Wesgewandt vnd weiß der Messenichts wölt seyn
lassen/so doch jr nit leügnen dürfft / dasß man bey dē
hochwirdigen Sacramet das leyde Chrißti bedenkē
soll/ Tu ist nichts am Eleyd vñ character/dan lauter
antzeygüg des leydes Chrißti. Pfar. Het Chrißtus
dadurck wöln memoriā sui bey vns han-er het vns

B

nit sein leyb vnd blüt gelassen/ hett auch wol kleydet
vnd Characteres geprauchet/ vnd gesprochen. Hoc
facite in meam commemorationem ic. Wen man
das wort Gottes profitiert/wie Paulus sagt/schafft
freylich mer gots zübedencke/den das spiegelsechten.
Bisch. Ir seyt eyn narz/das hör ich wol/eyn rech-
ter narz. Pfarzer. Sanct ewern G.wils also gern
von L.G. annemen. Bischoff. Ist doch warlich
war/ ir machens selbs mit ewern wortenn/heysent
das aller heyligst ampt eyn spiegelsechten/ey ey/wie
arm lewt seind ir/wolan/ emendiert eüch/vnd seyt
niet sonderlich/thüt wie frumen priestern zugehört/
nach gewonheit der Christlichen kirchen/nempt bey
leyb nicks neues für/last Martinū martinū bleybē
Ich hab Martinū ee gekennet dan jr/man weyß wol
was lebens Martinus ist/ es ist vnns wol gesagt.
Langler. Sagt mir Pfarzer/ was kleydes hatt er
yetz an. Pfarz. Sein schwarze kappen/vnd was
ist dan/was lygt am kleyde. Langler. Man weyß
wol anders/ mein G.H. ist auch wol vnderrichtet/wie
er in allen quassen lygt/wild/vnd vnzüchtig in wort-
ten vnd geperden/ist noch lang kein Got. Pfarzer.
Wie ich yetz on not rede / sag dannocht/das vnser
Christlich frum vatter Martinus eyns Christlichen
frumen lebens ist/vnd sag/das L.G. zümilt berichte
wie aber dem allem/so hatt vnns L. G. yn keynem
punct besser geweyßt/derhalbē wir wissen vns in key-
nem der articckeln züendern/hatt aber Lwer G. nite
gnüg/an vnser leüfftigen züfelligen antwort. wöllen
wirs L. G. nach eyn mal schriftlich züstellen / vn L.
gnaden erkennuß repliciern / nach vermögen für-
legen/mit hoffnung/L.G. werd sich benügen / vnns
fürter vnbeschwert lassen. Bischo. Ich will mich
fürter in kein schreiben noch weitterung begeben/son-
der vier wochen gib ich eüch eyn bedencken/werde jr

eüch in der zeyt nit bessern/vnd mich als ewern herm
erkennen/vnd eüch meynere vnderweysung vnd gne
diger vermanung nit halten werd ich müessen dar
zu thun/so vil sich gebürt. Pfarer. G.H. wir bit
ten in aller vnderthänigkeyt E. gnad wöll vns key
nen gewalt thun. Bischo. Meynich ob gotwill.
Pfar. San thut vnns ewer gnad gewalt/wen vns
E. gnad wider das wort Gots zur gewonheyt der
Kirchen zwingen will. Bischoff. Ich will nichts
vngegründes surnemen/solt auch keyn vngleichs vō
mir erfarn/allcyn was mir gebürt / vnd auß gehor
sam nit vnderlassen darff. Ir habt ewern abscheyde
geet hyn vmd bessert eüch. Pfarer. G.H. wir dan
cken ewern gnaden in vnderthänigkeyt/des gnedi
gen verhörens vnd vnderweysens. Erbieten vns E.
G. in aller vnderthänigkeyt gehorsamlich zü dienen
benot / wo wir nit wider die geschuffte vmd Gottes
wort zü thun geweyst werden.

~~La 3274 OA~~

[Faint, illegible text, likely bleed-through from the reverse side of the page]

115

mc



Pon Xa 3274 GK

ULB Halle

3

005 008 018






187. 2



Hand
des Bisc
Merzburg
en Pfarhe
bach vñ
hen am
nach
lo

Ann
D. S



B.I.G.

Farbkarte #13

